

LA QUOTIDIANA

Editura: Samedia Press AG
 Editeur: Hanspeter Lebrument
 CEO: Thomas Kundert

Schefredactor: Martin Cabalzar
 Redacziun

Agentura da Novitads Rumantscha (ANR):
 Flurin Andry (fa), Augustin Beeli (abc),
 Andreas Cadonau (ac), Claudia Cadruvi (vi), Gieri
 Antoni Caviezel (gac), Annatina Filli (afi), Hans
 Huonder (hh), Susi Rothmund (sr), Gion Nutegn
 Stgier (gns).

Collavurators redacziunals:
 Giusep Capaul (gc), Lucas Deplazes (ld).

Adressas redacziunals:
 La Quotidiana, Via Sommerau 32, 7007 Cuira,
 tel. 081 255 57 10,
 mail: redacziun@laquotidiana.ch

Agentura da Novitads Rumantscha (ANR)
 Via da Masans 2, 7000 Cuira,
 tel. 081 250 48 00, fax 081 250 48 03,
 mail: anr@spin.ch

Surselva: tel. 081 936 47 00, fax 081 936 47 01,
 mail: surselva@anr.ch

Engiadina: tel. 081 864 81 12, fax 081 864 81 22,
 mail: engiadina@anr.ch

Surmeir: tel. 079 430 69 30, fax 081 684 32 82,
 mail: surmeir@anr.ch

Schons: tel. 078 626 42 25
 mail: b.riedhauser@bluwin.ch

Inserats

Samedia Promotion,
 Via S. Clau Sura 11, 7130 Glion
 tel. 081 920 07 17, fax 081 920 07 18,
 mail: ilanz.inserate@samedia.ch

La Quotidiana cumpara tschintg giadas ad emna
 Ediziun derasada: (Südschweiz cumplet)
 72 319 exemplars, Ediziun vendida 68 613 exem-
 plars (WEMF-/SW-beglaubigt, 2018)

Derasaziun: 171 000 lecturs (MACH-Basic 2018-1)

Pretschs d'abunaments sut:
 www.suedschweiz.ch/aboservice

Communicaziun da participaziun considerablas
 sin fundament da art. 322 CP:
 nagin

Dretgs d'editar

Igl è scumandà a terzas personas betg
 autorisadas da reutilisar en ina moda u maniera ils inse-
 rats stampads en quest titel u parts da quels, surtut cun
 endatar els en in servetsch d'online. Mintga cuntrevenziun
 vegn persecutada giudizialmain da la societad da
 propaganda, suenter avair consultà la editura.

© Samedia

Digl auto anfignen tar igl velo

Savognin: Exposiziun «eMobil»

■ (gns) L'exposiziun stat sot igl motto eir cun current e tancar forza solar. Tar l'occurrenza segl areal dalla Uffer SA sa tracta tot dalla «e-mobilitad». A disposiziun stattan a mintgign per en viadi d'amprova gist 20 autos e vehichels tgi von cun current regenerabel. An en'emda ò li a Savognin ena occurrenza tgi sa dreza a tots chels tgi on interess da neir tar infurmaziuns interessantas dad autos e vehichels tgi von cun current e forza regenerabla. Igl visitaders on betg angal la caschung da far viadis da prova cun plessas marcas dad autos tgi sa movan cun electric, mabagn vign mintgign er cunsiglia da persungas digl rom e da specialists dall'energeia regenerabla. Igl intent dall'exposiziun è alloura er da mussar la producziun da current solar, da trer chel a nez e cunzont er igls avantatgs da chella energeia regenerabla.

La «ela energiewelt»

Tiers tgi igls «protagonists» dall'occurrenza èn bagn igls vers 20 autos e vehichels tgi von per veia sainza gronda canera mantga er betg l'infurmaziun per tots chels tgi lessan saveir duple digl potencial economic, ecologic e dall'energeia regenerabla, cun biagier ena tgesa u en oter object. La «ela energiewelt» è an chella tgesa an mintga cass en partenaris serious e cun ena buna experientscha. Igl madem vala alloura er per igls partenaris da chella organizaziun, la Uffer SA, igl «ewz», la «ibw» ed igl Parc Ela. Sa tgapescha tgi er chels quatter partenaris èn dalla parteida agl de digl «eMobil».

Audi – BMW – VW – Nissan

Chegl èn quatter dallas marcas dad autos electric tgi stattan a disposiziun agls visitaders per far en gir. Iniziant



Exponias èn varsaquants autos tgi von cun forza electrica. Per exaimpel er chel digl Parc Ela.

MAD

digls autos tgi von cun current èn stos igls Asiats e las ampemas marcas dad autos tgi von cun current eran er dall'Asia. Oz produtgeschan pero er igls gronds concerns dad autos dall'Europa scu Audi, BMW e VW autos tgi von cun electric. Igl madem ins dastga er deir dallas dus marcas dad autos franzosas Renault e Peugeot. La Thomann SA da Coira expone er models da «Street-scooters» ed ena rarietad expone *Reto Schircks* da Stierva, en schinumno «Puch Haflinger» tgi el ò biagia anturn

tar en vehichel tgi vo cun current. Ena bela collecziun da velos «e-bikes» preschainta alloura Sport Wasescha da Savognin igls 14 d'otgover 2018 segl areal dalla Uffer SA.

Ulteriurs expositours

L'exposiziun cumpletteschan anc nov menaschis tgi on an ena u l'otra furma er da far ensatge cun energeia. Tranter oter èn chegl igl «ewz» Turitg, «eternit» Niederurnen, «l'emobile» Fehraltorf, la «Hassler Energeia» Zirang e la «Vassel-

la Energie GmbH» Poschivo. L'antiera exposiziun vign er sustigneida digl Uffez d'energeia e traffic digl cantun Grischun.

Dallas 10.00–16.00

La «eMobil Expo» ò li igls 14 d'otgover 2018 a Savognin segl areal dalla Uffer SA. L'exposiziun vo dallas 10.00 anfignen allas 16.00. I dat er en travagl d'ustareia, pussibel è er da construir en model dad en auto solar. Alla curta vign er betg igls unfants.


Ins ò betg d'esser en scheni

Savognin: Camp per «freaks» dalla digitalisaziun

■ (gns) L'organizaziun ANiM ed igl Parc Ela porschan en camp da treis deis per unfants e giuvenils tgi èn fans dalla digitalisaziun, da computers e smartphones. Perscrutar tecnia e nateira an moda digitala è igl tema digl camp. L'organizaziun ANiM ed igl Parc Ela dediteschan ena occurrenza a mats e mattas da 12 anfignen 18 onns. Igl camp da treis deis cumpeggia la perscrutaziun da tecnia e nateira e chegl ord vista dalla digitalisaziun. Unfans e giuvenils, tot chels tgi lessan gio dadei pruar or novs «tools» u er da chels tgi on gio sez novs novs projects digitalas, èn anvidos da sa participar agl «workshop» da treis deis. La manadra digl curs *Niki Wiese* ed igls dus manaders *Florian Wieser* ed *Ormar Graf* sustignan igls participants e las participantas an chegl tgi pertotga grafica, films d'animaziun, fotografias, programmar, desegn, videos, gis e musica electronica cun luvrar agl computer. Luvrar tenor l'atgna idea, autonom e creativ duess mintgign pudeir tar chel luvratori, dantant profitar dallas persungas digl rom tgi magnan igl «workshop».

Or ainten la nateira

Per sa participar all'occurrenza «Tech & Nature Love Camp» dattigl nignas restricziuns. Sa participar agl camp pon unfants e giuvenils indigens, er da chels dallas vals vaschignas ed er mats e mattas tgi passaintan a Savognin e conturn lour



Aint igl center digl camp stat cunzont la digitalisaziun.

MAD

vacanzas. Per esser dalla parteida all'occurrenza d'experimaints ins vegia betg dad esser en scheni, punctuescha Wiese. Ena buna part digl luvratori ins è or ainten la nateira per neir tar interessant material (films, tung, maletgs) per alloura pudeir elaborar agl computer. La nateira è scu fatga per catar motifs tgi sa laschan alloura midar an moda digitala ed er sortametter cun musica. L'occurrenza duess er esser en barat tranter unfants e giuvenils tgi s'occupeschan gio pi dei cun la digitalisaziun e cun giuier e far experimaints agl computer. «Tech&Nature Love Camp» è simplamaintg en camp

per experimantar e per sa divertier cun la nova tecnia electronica e cun bler oter tg'ins so far agl computer. Impurtant è d'esser dalla parteida l'emda proxima.

Datum: 9-11 d'otgover 2018, 09.00–17.00.

Li: stalla ANiM, Stradung, Savognin.

Vigliadetna: 12–18 onns.

Costs: 150 francs inclus lunch.

Premissas: nignas.

Pigliar cun: indrez tecnics, ensatge da scriiver, vistgadeira tgoda, marveglias, plascheir da crear ed experimantar.

Direcziun: Niki Wiese, Florian Wieser, Otmar Graf.

Infos ed annuntgas: www.anim.jetzt/camp.
 Telefon: 079 626 51 73 Niki Wiese.



CARICATURA L. FLEPP